

49.

Q. D. B. V.

Ad ductum Psalmi XLVIII.

NUMERABUNTUR

ZITTAVIENSIA TURRES

EARUMQUE SYMBOLA

ELECTORI,
P A T R I Æ,

CIVITATI & CONSULI

ad d. VII. Octobr. qui SPEI sacer est,

M DC XCII.

post horam octavam matutinam

in Gymnasio Zittaviensi

sub moderamine

CHRISTIANI WEISII, RECT.

nuncupabunt

Johann Wilhelm Schönsfelder / Zitt. Lusatus.

Martin Josephi, Zülich. Silesius.

Christian Andreas Hempel / Olav. Siles.

Hans Friedrich von Nimpfesch / Nobil. Siles.

Friedrich Christian von Hohendorff / Nobil. Schwib.

Gottfried Maucke / Löba-Lusat.

Quibus accedent

Prologi

Ehrenfried Jentsch / Zitta-Lusat.

Gottfried Christian von Lanckisch / Zitt. Lusat.


Epilogi.

Johann Joachim Kurze / Zitt. Luf.

Heinrich Gottlieb Hänsel / Zitt. Luf.

ZITTAVIAE,

Tyipis Michaëlis Hartmanni.



Anus jam absolvitur undecimus, qvod post debitum Gloriosissimæ recordationis Electori **JOHANNI GEORGIO II.** luctum, terris nostris Musica redderetur. Inde cum ad consuetam NOVI CONSULIS gratulationem in Gymnasio nostro respiceremus, ipsum hoc MUSICÆ placebat omen, ut Potentissimo PATRIÆ PATRI præfigium inde captaretur

POTENTIÆ, OPULENTIÆ, FELICISSIMÆ CONSTANTIÆ;
ut inclytis PROVINCIIS offerretur signum
PACIS, CONCORDIÆ, OBEDIENTIÆ;
ut nostræ Zittaviæ demonstraretur documentum
SANITATIS, AMOENITATIS, VOTIVÆ GRATULATIONIS.

Tantoq; gratiæ nobis ea nunc est recordatio, qvod Regimen denuo aggressus idem Nobilissimus GIRSIUS, redditam post justa, Gloriosissimo **JOHANNI GEORGIO III.** soluta, Musicam, denuo secum afferre visus est. Ac proinde nostrum forte constaret officium, si, qvicquid divina providentia repetere dignatur, repetitis etiam declamationibus veneraremur. Sed dum nobis, in argumento tam fœcundo, semper commendata fuit novitatis gratia, non est cur VIRMUM meritissimum, cui novas in regimine jam suscepto vires appræcamur, novis gratulandi formulis omnino defraudemus.

Et verò sæpius admirandi causam mihi dedit PRIMARIUM GYMNASII AUDITORIUM fenestris utrinq; dispositis ita situm, ut QVATUOR PRÆCIPUAS TURRES inde spectare liceat. Si enim hieroglyphicâ sapientiâ nihil caret, qvod in civitate præ cæteris eminentissimum est: nobis id arridere potest omen, qvod juvenibus, intra suam humilitatem constitutis, spem facit, fore ut eruditionis ea strutura tandem in türres, ac in speciosam templi vel curiæ sublimitatem assurgat.

Sed ad solos micos juvenes pertinere non poterat, qvod ubiq; conspicuum totius civitatis cultum redderet illustriorem: cum ipse Psalmus XLVIII. vers. 13, Urbis Hierosolymitanæ singularia deprædicatus, clarissimis verbis exclamaret:

NUMERATE TURRES EJUS.

Nu-

Numerabimus itaq; ZITTAVIENSIMUM TURRES, qvas qvidem infra majestatem splendoris Hierosolymitani, non tamen intra miseriam Bethlehemiticam, ut loquimur, sumus deprehensuri. Suisq; jam officiis defungetur invitatoria hæc præscriptio, si, qvid à singulis perorantibus expectari debeat breviter explicetur.

Postquam præluserunt Prologi, veniens *SCHOENFELDERUS* ad D. JOHANNIS TURRIM respiciet, in quo templo Parentem habet sacris operantem: et ibi qvidem mirabitur, non procul à templi tecto receptacula Campanarum, paulo superius in ambulacro Musicis instrumentalibus designato, insignia tum Invictissimi IMPERATORIS, tum Potentissimi ELECTORIS; in summo vertice loco vertumnorum Solem & Lunam, aureis ibi radiis coruscantes. Sic enim Johannes mera gratiæ prodit documenta. Siqvidem è campanis RELIGIONEM, à musicorum melodiis, qvin & è junctis insignibus CONCORDIAM, è Solis & Lunæ hieroglyphico gratosam colligimus ABUNDANTIAM.

Alter *JOSEPHI* conversis ad TEMPLUM PETRI ET PAULI oculis TURRIM observabit, qvam dicimus MONACHORUM. Nam prisca Monachorum memoria præsentem RELIGIONIS FELICITATEM, Petri nomen CONSTANTIAM, Pauli QUIETEM designat.

Tertio loco succedens *HEMPELIUS*, TURRIM IN CURIA spectabilem admirabitur: vel ideo præcipuam, qvod PRIMARIUM inibi repositum est HOROLOGIUM. Id enim loco perquam commodo symbolum est PERPETUI LABORIS, ACCURATAE PRUDENTIAE, LAUDATISSIMÆ AUCTORITATIS.

Progrediens inde *NIMPTSCHIUS* Turrim ostendet PORTÆ BUDISSINENSI incumbentem, qvæ qvidem Porta tribus gaudere prærogativis videtur. Hinc enim ad Comitia Provincialia profiscuntur è Patribus Conscriptis Deputati; Hinc potissimum abeunt academicis Studiis consecrati juvenes; hinc procedit ordinarius & præcipuus Postæ veredarius: Ut faustissimum REGIMINIS, ERUDITIONIS, & MERCATURÆ signum deprædicare possimus.

Hunc excipiet *HOHENDORFIUS*, velut miratus, ex his turribus omissam PRÆCIPUAM. Eminet enim sua potestate, etiam in his mœnibus POTENTISSIMUS ELECTOR, qvem comparare licet TRIBUS TURRIBUS à Salomone in Cantico celebratis. Laudatur TURRIS DAVIDIS IN MONTE SION, Pulchra qvidem.

qvoad *FUNDAMENTUM*,
qvoad *EXERCITIUM*,
qvoad *EXEMPLUM*;

TUR-

TURRIS EBURNEA IN PALATIO SALOMONIS, cuius valet
ALBEDO, LÆVIGATUS NITOR, DURITIES,
seu ut clarius loqvar,
VIRTUS, EXISTIMATIO, JUSTITIA;
TURRIS IN MONTE LIBANO VERSUS DAMASCUM spe-
culatoria, cuius agnoscitur
SUBLIMITAS, SITUS COMMODITAS,
SECURITAS,
seu qvod sub his signis delitescit
AUTORITAS, DEXTERITAS, PRUDENTIA.

Tandem *MAUCKIUS* indignum ratus in Gymnasio id ne-
gligere, qvod Scholam maxime spectat, TURRICULAM laudabit
SCHOLASTICAM, cuius Campana singulis diebus in hanc Virtutis
& eruditionis officinam nos convocare solet. Hæc autem campanu-
la tribus modis esse potest commendatissima, qvippe 1. sonitu suo nos
invitat in hoc literaturæ sacrarium. 2. signum dat, qvoties in templo
finitur concio. 3. anteqvam in hac turricula locum inveniret, suspen-
sa fuit in templo SS. Trinitatis: fracta enim, nescio qvo casu, priori
campanula 1620, qvod in morâ periculum esset, inde subito deprome-
batur, qvæ singulis diebus esset necessaria, nec fusoris tardiorem ope-
ram expectare vellet.

Sic felicem clausulam imponent Epilogi, votis hactenus effusis
symbolum qvam devotissimum adjecturi.

Nunc reliquum est, ut præcipuum Exercitii decus accedat à be-
nignitate Patronorum, Fautorum & Amicorum, qvos huc usq;, de-
prehendimus in provehendis & excitandis Juvenum studiis promptos
& liberales. Ut igitur honorificâ suâ præsentia quantum nobis tribu-
ant, quantum ipsi Patriæ cupiant, quantum Nobilissimum CONSU-
LEM velint esse salvum, demonstrent, decenter rogamus, daturi ope-
ram, ne qvem promptitudinis ac benignitatis pœniteat.

DEUS interim, cuius nutu HARTIGIUS lampada trædidit GI-
RISIO, ut Hic pari felicitate successorem nanciscatur STOLLIUM,
clementissimè concedat, ac imprimis pacem & tranqvillitatem
DOMUI SAXONICÆ longis abhinc annis familiarem,

porro jubeat esse perpetuam. *P. P. è Gymnasio Zittaviensi*

Dom. XVIII. post Trinit. M DC XCII.

